

04. oktober

UKA2018/197/198

Uunga siunnersuut: Qamutit motorillit akileraarutaat pillugit Inatsisartut inatsisaata allangortinneqarneranik Inatsisartut inatsisaat nr. xx, xx. xxx 2018-imeersoq (Qamutit motorilinnut taamaallaat innaallagissamik brintimilluunniit ingerlatilinnut plug-in hybridbiilinullu akitsuut kiisalu igitassanngortitsinermi akiliut)

Uunga siunnersuut: Eqqusuinermi akitsuutit pillugit Inatsisartut inatsisaata allangortinneqarneranik Inatsisartut inatsisaat nr. xx, xx. xxx 2018-imeersoq (Plug-in hybridbiilit akitsuutaat, biilinnut innaallagissamik imaluunniit brintimik ingerlatilinnut akitsuummik akiliisussaanginneq kiisalu qamutit motorillit nunaannakoorutit minnerusut akitsuutaannik atorunnaarsitsineq)

Siumumi anguniarparput nunatta annikinnerpaamik mingutsinneqarnissaa. Taamaattumillu nukissiuutinik mingutsitsisuunngitsunik atuinerup innuttaasunut pilerinarnerunissaa anguniarlutigu.

Nunatsinni qamuteralaat allallu nunakoorutit atorneqarnerat annertusigaluttuinnarpoq. Tamatta nunarput nuannersoq annertunerpaamik ajornannginnerusumillu atorusupparput.

Taakkuninngalu annertunerusumik atuinerup kingunerissanngilaa nunatsinni qimmita atorneqarnerisa annikinnerulernissaat. Taamaattumik isumaqarpugut qimmernikkut atugassarititat pitsaanerulernissaat ulluinnaarsutaappata imaluunniit inuussutissarsiutitut atugaappata.

Pingaartutullu isigaarput susasaqartut soorlu Nunatsinni qimuttunik qimmiutillit kattuffiata kommuunillu isumasiornissaat.

Suliassaq una ataatsimiititaliamut ingerlatikkusupparput tassanilu sularineqarnerani susasaqartut taamarmik akuutinneqarnissaat pingaartipparput. Aammattaaq kissaatigaarput aningaasatigut kingunerisinnaasai ilanngullugit misissorneqassasut.

Taamatut oqaaseqarluta immikkoortut uku Aningaasaqarnermut akileraartarnermullu ataatsimiitsitaliamut peqqissaartumik sularineqarnissaat inassutigaaarput.

Oqallilluarisilu

Hermann Berthelsen, Siumut